



Universitätsbibliothek Paderborn

Sancti Agobardi Archiepiscopi Lvgdvnensis Opera

Sancti Agobardi Archiepiscopi Lvgdvnensis Opervm ...

Agobardus <Lugdunensis>

Parisiis, 1666

II. Aviti Episcopi Viennensis epistola ad Gundobadum Regem Burgundionum. Ex eodem codice MS. Epistola Aviti Episcopi ad Domnum Regem facta.

urn:nbn:de:hbz:466:1-14657

nobis præparet, & membranas. Quia, si Deus annuit,
Quadragesimam in Insula cum ipso tenere disponimus,
ut opus cœptum ibidem pariter residentes expediamus.
Interim trecentos modios annonæ, & ducentos modios
vini, ducentas libras casei, & centum libras olei, ordi-
na ipsi dari; ut cum per nostram oblatiunculam ipse unà
cum congregatione sua reficitur, nobis reditus cum sol-
pitate ipsis orantibus à Domino tribuatur.

I I.

**Aviti Episcopi Viennensis epistola ad
Gundobadum Regem Bur-
gundionum.**

Ex eodem codice M S.

*Epistola Aviti Episcopi ad Domnum
Regem facta.*

AVITVS Episcopus Domno Regi. Quæstio quam
pietas vestra differendam proposuit, tota prorsus
ad interiorem figuram spiritali consideratione referen-
da est. Neque enim illud centuplicato fœnore promitti-
tur reformandum, quod unusquisque animo miserendi
alimoniae pauperum pia professione contulerit. Quia &
in hac ipsa eleemosynaria largitate, in qua operantis
sensus potius quam census aspicitur, non est doni quan-
titas pensanda, sed studij. Quo factum est per evange-
licam lectionem, ut infinitis auri argenteique donariis
paupertina numi duplicitis preferatur oblatio. Quæ si uti-
que viduæ donatrici ad mensuram centupli redderetur,
sine dubio cunctis minus reciperet, quæ minus omnibus
intulisset. Vnde & sanctus Petrus cum dixisset, Ecce nos
relinquimus omnia, & secuti sumus te, qui certè, sicut
lectio docet, nihil aliud quam retia reliquerat, quibus
tenuem viatum piscandi artificio transfigebat, respon-
sum illi est: *Omnis qui reliquerit domum, aut fratres,*
aut sorores, aut patrem, aut matrem, aut uxorem, aut fi-
lios, aut agros, propter nomen meum, centuplum accipiet.

Vitam aeternam possebit. Namque cum in Scripturis centenarius numerus omni perfectione sacratus sit, discernite quod reddantur in centuplum, non quae tribuntur Christi nomine, sed quae pro Christi nomine relinquuntur. Quia licet magna salutaris profit merces elemosynæ, incomparabiliter tamen majus est omnia dimittere, quam plurima dispensare. Quocirca definiat gloria vestra de solo istud martyrio praedicari, cuius coronæ nullum penitus meritum humani operis exæquatur. Iste est centesimus fructus; qui in futuro quidem vitam æternam expectat, sed in præsenti quoque seculo illatas martyribus contumelias mirificato honore compensat. Vnde & alio Evangelij loco dominicus sermo testatur quod ad centenariam frugem cadens in terram bonam nutritæ sementis germen exierit. Parentes ergo, uxorem, vel filios, sive fratres, pro Christi tantum consecrat nomine relinquendos, id est, cum pro adserenda nominis confessione, non tantum hujusmodi necessitudinum, sed animarum quoque nobis corporumque facienda jaictura sit. De qua divisione idem Dominus alio loco: *Veni, inquit, separare filios adversus parentes, nurum adversus socrum.* id est, ut quorumlibet affectuum personæ, tendentibus nobis ad Christum, si comitari noluerint, deserantur. Excepto autem hoc sensu, propinquitates istas non semper nobis ut præjudicata debere dimitti, & exemplis & ratione colligitur. Nec enim & illi propinqui dimittendi sunt, qui ad cœlestes coronas contemptu seculi calcata morte festinant. Neque suadere fidelibus possumus ut conjugia vel parentes abiciant, cum Dominus clamet quod non liceat homini dimittere uxorem. *Et quod Deus, inquit, coniunxit, homo non separet.* Et Apostolus protestatur quod qui suis & maximè propinquis non providet, fidem negat, sitque deterior infideli. Dominum Petrus, Petrum conjux propria sequebatur. Cessante carnali usu, manebat spiritale solatium. Et comitante se Andrea germano, nec fratrem nec uxorem dimiserat, in quorum contubernio Christi vestigiis adhærebat. Quapropter personas hujusmodi non obesse nobis, sed impedire, timendum est. Nam cum omnino hominum generi, ordini, dignitati obtinendum cœleste regnum divinus sermo proponat; est temerarius praedicator, necessitati Prin-

cipum , quæ regnum divinis nutibus administrat , si omnia quæ suprà diximus relinquenda suaserit , cùm tamen etiam personis hujus culminis contemptus mundi suggeri & cœlorum regnum debeat repromitti , Apostolo ; sicut recolitis , protestante locupletibus ut divites sint in operibus bonis , & thesaurizent sibi fundamentum bonum , ut apprehendant veram vitam . Quibus secundum hanc sententiam agrorum sive reddituum & prodesse usus poterit , si non nocuerit appetitus . Est tamen & aliud sanctitatis genus , in quo si tempus persecutionis assistat , martyrium quoddam plena confessio queat imitari . Si quis enim antiquam parentum consuetudinem sive sectam melius credendo commutet , nec teneatur privilegio consuetudinis , cùm Veritas provocat ad dilectionem salutis ; utiliter hic parentes , fratres , sororesque dimittit ; velut Abraham dives , qui cunctis cœlestibus donis fruens , filiis , famulis , auro , argento , matrimonio , matrimonio recte usus , patriæ se tamen & cognationi suæ voto mutandæ religionis excusavit , & imminentे jam senio , signum Circumcisionis , quo Christianitas figurabatur , accipiens , proiectos jam per æatem conversione pueros fieri posse præmonuit . De quibus & propheticus sermo : *Puer , inquit , centum annorum morietur.* id est , centuplum accipiet quod puer factus est : quem præfata sacrati numeri pluralitate præstantem , sicut ætate matura vivendi novitas fecit puerum , sic custodita renovatio immortalis faciet longævitatem profectum .

